

“Buki ta dushi ‘om!”

Centro Di Bario Piedra Plat a wordo Bumberdea cu Buki

DIADOMINGO pasa, dia 13 di november, e prome evento di Buki Bum 2011 a tuma luga na Centro di Bario Piedra Plat. Tambe nos Minister di Cultura, Sra. Michelle Hooyboer-Winklaar a participa activamente na e programa aki hunto cu su yiunan.

Mayornan a lanta extra trem-

pan pa para den rij pa asina nan por garantisa nan participacion na e di tres Buki Bum organisa pa Fundacion Papiamente desde 2009. Mayornan cu tin yiu di 0 te cu 5 aña cu ta inscribi na Wit Gele Kruis y trece e carchi di AZV di nan yiu, por atende na e charla “Crece Cu Buki”, facilita pa Sra. Desiree Correa,

pa asina nan ricibi nan pakete di Buki Bum 2011. Charla y tas cu buki, tur dos ta completamente gratis. E aña aki tin tres oportunidad pa participa durante e 3 diadomingonan den november - sea di 10 pa 11 di mainta, di 11 pa 12 di mainta, of di 12 pa 1 di merdia. Diadomingo 20 di november Buki Bum lo sigui na



studiantenan di APA, compila pa Mirugia de Cuba cu areglo musical di Martin Buitenweg. Tur esaki y hopi mas ta inclui den e pakete Buki Bum 2011 cu mayornan cu yiu chikito ta haya regalo.

Fundacion Papiamente kier gradicir tur organisacion y compania cu cada aña ta haci e proyecto Buki Bum posibel,

Centro di Bario Lago Heights y diadomingo dia 27 di november lo clausura e programa na Centro di Bario Noord.

Durante e charlanan tin opvang pa e muchanan den forma di un programa special na encargo di e team di ABC Peuterschool. Asina mayornan no mester kibra cabes cu babysit y nan por participa cu mas tranquilidad. Pa famianan cu ainda no a logra participa, ta recorda nan cu e pakete aki ta consisti di tres buki di mucha nobo nobo y na Papiamento, tambe un CD cu cantica di mucha cu letra y musica di e.o. Maybelline Arends-Croes, Digna Laclé-Herrera,

tambe Centro di Bario Piedra Plat pa nan cooperacion y contribucion na e bienestar di nos muchanan y hobennan na Aruba. Y na tur e boluntarionan cu a y ta sigui traha incansablemente pa Buki Bum ta un exito rotundo; Jeseña Croes, Lissette Quillotte, Luduela Orman, Ilda Statie, Ilaina Franco Franka, Olivia Figaroa y Lourdes Emerenciana.

Pa mas informacion y pa e schedule completo di Buki Bum 2011, por tuma contacto cu Fundacion Papiamente via Facebook, Twitter of bishita e website: www.fundacionpapiamente.com